

刑案匯覽

刑案匯覽卷四十七

目錄

誣告

捏詞誣告平人致令畏罪自盡

詐騙不遂誣告被誣之子自盡

誣告人致其妻情急登門自盡

捏欠被毆復行誣控致人自盡

推跌病斃屍子誣告致人自盡

誣告致令自盡死係賄和罪人

刑考圖覽
誣告妄扳見證因瘋失足跌斃

主令誣告致人聞控情急自盡

誣告人致死疑出有因

懷疑唆控尙未拘訊致釀人命

唆令圖詐未成涉訟致釀人命

誣告逼令作證致人急迫自盡

誣告死罪於提審時具呈首悔

衙役妄稟被誣之人受杖身死

誣告照律加等毋庸反坐枷號

到官扳害未便照誣告論

被告既係無罪原告卽應坐誣

控告二人一虛一實仍應坐誣

控告二人勒折浮收一虛一實

疊次誣告滅母重情未便輕減

圖占墳山捏改宗譜賄證誣控

圖墾官崗砌詞京控

金刃自傷誣告他人將其刃傷

自戕誣告毆死證見扶同妄供

刑部
囚已招服親屬妄聽人言京控

子命無償架詞京控情尚可原

父因子殺人遂架捏重情京控

將引差緝拿之人毆死復京控

控出有因原可酌量科斷

誣告聚衆結盟指出僅止四名

誣告斬絞重情審係因瘋所致

誣告非法毆死并庫書盤踞

誣告通姦之婦背夫逃走改嫁

優伶誣告學戲教師霸占爲徒

誣告霸地係因聽從父命

聽從伊兄主使赴京抱告重情

其子起意唆令伊父赴京誣告

誣告搶奪逾貫旋即悔懼自首

赴京捏告重情提審之先首悔

誣告撞騙多贓未審之先首悔

京控重情擬罪過輕駁案

疑賊致斃平人奏定條例通行

誣良爲竊嚇逼拷打分別治罪

誣竊應分有心無心是良是匪

誣竊疑竊分別情節刪改定例

疑賊有因擦瞎兩目仍照鬪傷

疑竊控告復逼令賠贓自盡

因疑指控舊匪致令懷忿自盡

疑舊賊行竊捆毆致氣忿自盡

欲拿舊匪送官致令自盡

疑竊向人查問致人氣忿自盡

疑竊並未覲面鄰婦聞罵自盡

疑竊拷打逼認致賊妄扳釀命

疑竊妄拿捆縛舊匪自盡

疑賊捕拿形迹可疑之人淹斃

疑賊有因指留麥捆致令自盡

瞽目聞響戳透竹壁致斃人命

疑賊喝問不應毆死耳聾之人

事不干已疑賊妄言致釀人命

明知竊情之人被賊誣扳自盡

代訪賊賊將寄賣人捆縛自盡

被竊見人可疑送官究責自盡

幫同捕盜疑盜誤傷事主身死

疑賊誤殺與捕賊誤殺不同

黑夜疑賊尊長戳斃總麻卑幼

黑夜疑賊戳傷胞兄身死

代人捕賊追問已賊毆死竊賊

追問已賊毆死偷竊鄰家之賊

代查竊賊舊匪妄扳良民自盡

賊犯誣扳同夥致人失跌身死

賊犯誣扳同夥致人之母跌斃

誣竊捉拿拖拉致人之母跌斃

挾嫌捏名誣竊被誣之妻自盡

誣指舊匪爲竊按毆逼賠自盡

被竊指控舊匪轉扳拖斃二命

誣竊致被誣之人殺人圖賴

誣指窩竊嚇詐致人殺姪圖賴

嚇詐舊匪致擔保人殺死舊匪

誣竊索詐釀命卽屬刁徒訛詐

誣良拷打或嚇詐俱應擬軍

誣良嚇詐自盡及拷打爲從

刑案匯覽卷四十七

誣告

捏詞誣告平人
致令畏罪自盡

川督 題李亭寬毆傷楊正瑞畏罪誣告致楊正瑞
自縊身死一案查例載誣告人因而致死被誣之人
委係平人者擬絞監候等語此案李亭寬因楊正瑞
與伊堂兄李亭伸口角辱及李姓祖先該犯與李亭
偉等聽聞不依將楊正瑞共毆致傷經勸而散楊正
瑞卽進李亭伸店內睡臥撒賴聲言告官究治李亭
寬慮恐到官問罪將該縣查拿匪徒木牌打毀捏稱

楊正瑞打毀赴縣誣控楊正瑞畏累情急投繯殞命
查李亨寬將楊正瑞毆傷因其聲稱告官慮恐問罪
將該縣查拿匪徒木牌毀壞誣告楊正瑞打毀以致
楊正瑞畏累自盡死者既屬平人自應依誣告致死
本例科斷該省將李亨寬依誣告人因而致死被誣
之人委係平人例擬絞監候查核情罪相符應請照
覆

嘉慶十七年說帖

詐騙不遂誣告
被誣之子自盡

直督 題韓兆林因貧難度憶及從前與王良佐涉
訟在京花用盤費銀三十兩欲向討還因王良佐外

出稔知其伯王學仁家道饒裕起意詐騙隨捏稱王
良佐在京借伊盤費銀三十兩未償往向王學仁索
討王學仁因在京用度均係自己帶往并知王良佐

亦無借伊銀兩之事以其詐騙當向村斥而散嗣韓
兆林赴臨洺關閒遊憶及詐銀不遂反被斥罵心生

氣忿卽以王學仁欠銀捏詞赴通判衙門呈控批縣
查訊尙未傳審而王學仁之子王良付自外趕車回
歸王學仁告述前情王良付聲稱從前控案花費銀
錢如今又被韓兆林誣控必致伊父受累心生氣忿

欲與韓兆林拚命經王學仁勸慰而息旋各就寢詎
王良付氣忿莫釋輒萌短見卽於是夜投繯殞命將
韓兆林依誣告致死量減擬流具題經臣部以情罪
未協駁令另擬去後嗣據該督查誣告人因而致死
隨行有服親屬之條必死者到案隨行被累難堪因
而情急自盡方引此律今王良付因伊父被控在家
情急輕生與隨行到案被累致死者實屬有間將韓
兆林仍照原擬量減擬流具題復經臣部詳查韓兆
林詐騙王學仁不遂捏詞具控係屬憑空誣告王良

付恐父受累自縊正與誣告人因而致死隨行有服親屬之律相符未便曲爲寬減且查乾隆五十七年廣西省題周子貴誣告秦星榮竊梨將秦星榮牛隻拉回索賠以致秦星榮之父秦月運自縊身死一案又嘉慶五年廣東省題黃文隴因疑張江奎串竊拉回追問聲言欲送官究治致張江奎之母張黃氏服毒身死一案均比照誣告人因而致死隨行有服親屬一人律擬絞監候俱經照擬題覆在案是周子貴等二案一則疑竊僅止拉牛索賠致被誣之父自盡

一則疑竊聲言送官致被誣之母自盡尙依律擬絞
今韓兆林意圖詐騙王學仁銀兩憑空誣告到官致
王學仁之子王良付恐父受累情急自縊核與秦月
運等二案情節更重是以駁令另擬今該督疏稱王
良付因父被控在家自縊與隨行到案被累致死者
有間並援引嘉慶六年該省丁二誣扳張三買贓伊
父張鳳祥自縊身死將丁二擬流一案仍照原擬將
韓兆林量減擬流具題臣等復詳查丁二本非行竊
正賊因被捕役誣竊追究原贓丁二與張三挾有夙